





世福 辨偽錄九之十四 詔禁道戴王

僧道持論名德 江南禪教

成宗 五其至真覺文才四師

武宗 勅撰隱澗正宗記 乞台薩甲

仁宗 三藏沙囉巴訣師 秦州普覺英辨論師 勅建瑞像殿記

京都崇見讓講師 京城普慶滋聞律師 三藏達益巴四師

京師寶集妙文誨師

英宗 詔各踏建帝師殿碑 五其至普寧了性講師 玉山普安寶嚴禪師

文目中奉明本四師

大祐妙善八金藍

臨壇大德慧文書

佛祖歷代通載卷第二十二

嘉興路大中祥符禪寺住持華亭念常集

周文王時為柱下史偽第九 第十九化云周文王時名君為變邑子時

帝紂荒虐天下塗炭乃乘飛輿之輪風伯前驅影祖驟乘降於岐山之陽西伯聞之拜為守藏史武王克商遷為柱下史作赤精經教文王以仁義道作璇璣經以授周公成王康王之代世

史昭王時有黑氣之祥在君以八天隱文授昭王王不用

辨曰蓋聞九頭五龍 秦火漢之文黃魏

璇璣訓於周公伯

且群書具載先

駭代

蓬心警唱駭自外
之談自招世誚安

與孔子相接何乃

紆荒淫宜盡力規誄

而遠道為忠臣者固若入乎昔日過門

為御乘薄輦之車今則乘飛颺輪風伯前驅

駭參音

駭乘何自高之不經乎况彭祖此時已歿風伯不

肯前驅文王自公劉以來世積仁孝美化行乎江

漢仁慈及於行葦何待赤精之教哉周公制禮作

樂代臨天下設金縢而表誓製周禮而流規何用

璇璣之教乎昭王時號明君史無黑氣之變妄改

白虹之地而云黑氣之言授以隱文又成孟浪之

說前云老君為九天教主金闕帝君建七曜之冠

披九色之帔乘八景玉輿駕五色神龍金闕之甲

坐玉帳之內仙童左奉玉女右陪萬聖擁道

翊從老子既有如此高人之位而不肯

藏之軼屈身為臣侍

端笏播紳捨喬木

燮悉下以何謬哉燮只

爰從道士虛張

電尋根此之謂也

者秦皇求仙親臨

安期之名不覩羨

武好仙身著羽人少

詭說信少君之詐術入茂陵竟無

武任寇謙之說建靜輪天宮費竭人勞終感火

周武帝口服丹藥身服黃衣熱發晉陽失音而死

唐武宗師趙歸真餌金丹藥會昌不滿早致崩亡

近宋上皇信林靈素遊月宮誦太極之章佩驅邪

之劍而亡國破家身死東韓此之數君皆傾誠一

徑口而南為藥

六君惑邪

志望享千年而遘患弥留竟無一驗譏以膠舡之難不亦妄求人過乎幸人有灾君子不為也

前後老君降生不同僞第十第一化云老君生在

老子生在三氣之中第六化云老君姓李諱弘元

曜靈字光明以上和七年歲在庚辰九月三日甲

子卯時始育於比玄王國天崗靈鏡山李公之閭

玄靈聖母既誕之夕有三日出於東方九皇

月妃散華日童揚移年五歲躋道疑真

金姿玉顏棄家離親超躋風塵後元

以麟儀太章太洞真下迎賜丹璽符書為

天何海神仙第十一

全思

老子一號大千法王

年寄九天飛玄玉女

三化云老君以清漢玉女七十三年号九

十八王陽甲庚寅歲

八十一年至武丁九

剖左腋攀李樹而生

吐水具七十二相八

日天上天下唯道獨

一也又云李靈飛祖

瀨鄉畫寢見太一於

八十一生而皓首

○辨曰夫星流貫昴實標文命之祥雷
顯軒皇之慶虹流華渚少昊於是膺期星冠
顛頊以之應瑞赤龍睽睽言旌帝堯雲屯鬱蒸實
微漢祖此則聖人神異譜牒具詳未聞老子初生
三日共出九步周行月如散華日童揚彩之事且
星隕如雨日有蝕之春秋書之以為異事李耳若

睽睽
蓋鳥

諸書
異記

有徵瑞孔子何以不記乎且魯陽揮戈而返日淮

南子有景公善言而退熒劉向貳師拔劍而泉流

前漢書中耿恭拜井而水出後漢書中苟有所相書為羨談

老既無文事必虛唱倚他大聖取為神奇夫聖人

現相雖有多途託化誕生事無兩躰世尊百化

身大千世界一時頓顯化緣事訖更入涅槃老子

隨代降生以何大謬本是李耳妄改六緯李伯

陽而云光明隱其本名而加羨号史記真文一詞

不錄道書偽說百種糝填前之兩化說在太易之

前後之十重紀在伏虛撫偽誑惑後人

撫石

前說五歲凝真二十 八十一歲生而皓

首自語矛楯何待他攻亳州瀨鄉實而不認北玄

王國虛而妄傳聃耳蓬頭謬說七十二相野合懷

胎諂云周行九步授化釋瑞而為老竒此薰猶

亂彼蘭芷北玄王國山海之所不不紀天崗李谷

地里之所匪詳王儉百家太尉王儉有百家譜弗聞玉六

名何姓氏苑罕說玄妙之族案道士賈善翔高道

傳序云伯陽起迹於姬周既云起迹於姬周則是

老子不在商也明知陽甲之時本無李耳襄周之

際始見老聃胡曾云七雄戈戰亂如麻四海無人得坐家老氏却思天竺住便將徐甲

佚

過流沙斯則周未時人明矣避亂入秦死葬槐里秦佚吊之三

號而出斯良證也何更疑哉史記本傳莫知所終

化胡浪語云過流沙將如未降誕之複合老子過

關之氣汝雖巧會偽說孰憑案燉煌實錄云周桓

王三十九年幸閑豫庭與群臣對論古今王曰六

聃父何如人也天水太守索綏對曰老聃父姓韓

名虔字元卑癡跛下賤胎則無耳一目不明孤單

乞貸年六十二無妻與隣人益壽氏宅上牧猪老

婢子曰精敷野合懷胎八十一年而生老子生時

皓首故曰老君此本 不傳偷竊他能欲

燉

燉徒 關之氣汝雖巧會偽說孰憑案燉煌實錄云周桓

王三十九年幸閑豫庭與群臣對論古今王曰六

聃父何如人也天水太守索綏對曰老聃父姓韓

名虔字元卑癡跛下賤胎則無耳一目不明孤單

乞貸年六十二無妻與隣人益壽氏宅上牧猪老

婢子曰精敷野合懷胎八十一年而生老子生時

皓首故曰老君此本 不傳偷竊他能欲

張老聖家有弊帚耳

言信與

三番作佛偽第十一

第三十四化云老君告胡王曰使我弟子為佛汝當師之

即使尹喜變身為佛與胡人為師令作桑門授以浮圖之法說四十二章經又云老君至舍衛國自

化作佛坐七寶座身長百千萬丈徧滿虛空又云老君將欲再整釋教以周莊王九年乃化天命

煩陀王老君弟子乘月精誦陰天竺摩耶夫人胎至十年四月八日右脇降生後入雪山修行六年

滿成類佛陀衆号末牟尼至臣王四年解化太上命昇賈奔天為善惠仙人

辨曰夫根深果茂源遠流長虎嘯風生龍吟霧起

聖人利見皆有深源昔植善因今感妙果我佛世

尊三無數劫積行累功六度無捨而求菩提棄身

命如恒河沙捐國城如微塵數莊嚴世界誘掖群

掖夷益

生然後應然燈記補迦葉位下生中印託化王宮

七步周行指天地而猶貴三十二相映日月而爭

輝四王捧足出塵寰六年行滿而成道現身百億

國土說法四十九年播聲教於人天摧外道於雙

樹化緣事畢却返無為應物適時如是示現何待

老子始化尹喜變身掩他神功矜為已勝佛生周

昭之代老降定王之朝世隔一十七帝年經三百

餘祀化已滿於天下教已滿於龍宮家仰仁慈之

風國遊釋氏之範豈假李耳重整煩陀再現援前

着後諂誑庸愚昔日過關雇徐甲而為從奚有天

狡
巧古

人侍衛乎乘鹿柴車何有七寶之座乎廣顙聃耳
焉有燕丈之身乎狡佞不經欺賢調聖鯤化為鵬
蓋緣目交蛇虺為雉匪假他功此皆物理自然陰
陽感召待時而發非他使然老子自是凡人身為
臣子何能別生神聖更尹喜作佛昧自心靈瞎他
眼自悖禮慢聖殃報拔舌善惠仙人將登八地遇
然燈佛受無生記此乃世尊往昔之号既然成佛
功成果滿化緣事畢入於涅槃遷神常樂之鄉永
入無為之境豈可作佛事畢更作善慧仙人將後
着前一何錯亂妄竊不真壞人視聽夫上天雖樂

鄙
口薄

揚
言佛
能化
胡道
不能
化胡

終是輪迴不免三灾之殃難逃五衰之苦聖人超
出生死苦樂兩忘高超三界之津獨步六塵之表
何返歸天上却入囂塵雜污我聖人欺謬我大覺
此同棄天子之尊嚴慕厮養之賤役捨華堂之廣
厦悅鄙屋之茅簷汝欣賈奔之榮我耻糞土之辱
隋大臣楚國公揚素行經樓觀見壁間畫像問道
士曰此何圖也道士對曰老子化胡成佛圖素曰
承聞老子化胡胡人不受老子變身作佛胡人方
受是則佛能化胡道不能化何言老子化胡也道
士不能加答善哉揚素之言此通人之論也若胡

人不先知有佛詎肯受佛之化乎以此考之則印
土先有佛矣而言尹喜作佛老子始變何欺吾門
之深乎樓觀尹喜故宅在關之南今道士居之仍在

冒名僭聖偽十二第四十八化云商太宰問天子曰夫子聖人與孔子對曰聖則

丘何敢焉然則丘博學多識者也太宰曰三王聖
者與孔子曰三王善任智勇者聖則丘不知太宰

曰五帝聖者與孔子曰五帝善任仁義者聖則丘
弗知太宰曰三皇聖者與孔子曰三皇善任因時

者聖則丘弗知太宰駭曰然則孰者為聖孔子動
容有間曰丘聞西方之人有聖者焉不治而不亂

不言而自信不化而自行蕩蕩乎民無能名焉丘
疑其為聖人也史志經云孔子在魯老子在周以

魯望周之洛陽故在西方蓋指老子為西方聖人
也孔子問禮之時先有猶龍之歎故此指老子也

辨曰夫自衒自媒婦女之醜行不矜不代聖人之

深能是以舜羨禹功嘉有勳而弗競孔稱孟反孟

友猶退厚而居薄由是羨譽播於千秋謙光輝於

四海上所引具見列子仲尼篇中古今通論以

謂此夫子推佛為西方大聖人之語也唐琳法師對太宗之

表張丞相作護法論皆引此文佛西方聖人也未聞老子在周孔子在魯

故指老子為西方聖人竊名冒聖欺我何多僭聖

人者不仁言乖理者非智且道源之祖肇起黃帝

非干老子老子師宓成子演五千文縱然說聖不

能趕於軒轅既三皇五帝孔子不推為聖返指老

子而為聖人不亦過乎蓋我世尊功圓萬行果證

推 同切 下為櫃

趕 也尾切 走舉言巨

曄
為

十身流元徧於刹塵分身應於沙界不可以人事測不可以處所求實三界之大師是四生之慈父寰中獨步為王中之法王出世獨尊為聖中之大聖故能高拱覺場威名萬國縱使周公之制禮作樂孔子之述易刪詩卜偃之文章端木之言語馬遷之辯博葛洪之該通輔嗣之玄談左慈之神化並驅馳於域內言未涉於大方可為善世之高流難作出塵之聖者案天竺聖方群賢所聚過去諸佛共生於彼范曄漢書云後漢西域傳史論文其土則殷乎中土玉燭和暢靈聖之所降集賢懿之所挺生故

古昔賢能時有往者老子西昇經云聞道為開道竺乾改今

有古皇先生善入無為不始不終永存綿竺乾

綿是以西行又古本化胡經云我生何以晚泥沮

一何早不見釋迦文心中空懊惱此則老子自指

於佛為西方聖人也又黃帝夢遊華胥之國其國

在弇州之西王邵注云此指西方天竺也周穆王

時聞西方有大聖人出世心甚懼之乃使造父乘

驂騮八駿西上崑崙觀日所沒以厭其氣又西極

有化人未能返天易地聖力無方千變萬化不可

窮極穆士敬之若神築中天臺以居之化人引穆

弇姑造七厭益

化人
化帝

龜多對西
虹方白

身毒
音乾
葛

王神遊，斯須之間，已如數載。又穆王五十二年，如來示滅，西方有白虹十二道，南北通貫，連夜不滅。王問太史，龜多是何祥也。龜多對曰：西方有大聖人，襄相現，今穆王喜曰：朕常懼於彼，今無憂矣。此則竺乾勝方聖人居彼，故得賢王西求，化人東來也。又張騫奉使西窮河源，至於大夏，聞雪山南有身毒國，其人奉浮圖，不殺罰，乘象而戰，身毒即今印度也。此則仁慈之風，詳於漢史，明也。上之所引，咸指印度，以為西方佛生於彼，故指佛為西方聖人。豈說洛陽以為西方老子為聖人也。又云孔子

郟徒
甘

先有猶龍之歎，故此聖德指老子者，意欲將孔子一期問禮之事，便為老子弟子。孔子曰：吾無常師，主善為師。三人行，必有我師焉。故學琴於師襄，問樂於萇弘，問官於郟子，入太廟，每事問。有問稼曰：吾不如老農。有問圃曰：吾不如老圃。此明孔子虛懷納善，汲汲於道。爾豈有一事便為師焉。蓋當時老子為守藏吏，掌周公之禮典，故孔子問之。若以問禮便為孔子之師，則老農老圃亦孔子之師哉。必不然矣。沽名銜世，求為人師，君子不為也。合氣為道，偽十三。

第二十三化云：老子以周昭王二十三年七月十二日至函關。

尹喜既元邀歸本第說道德經二篇五千餘言尹喜扣頭曰願授其要老君曰善乃為解道德之要曰道者謂泥桓泥桓者天德也理在人頭中紫氣下降理中宮萬物之母者謂丹田也丹田玄牝也居下元中半夜之時氣下降周旋三宮同出而異名者謂精也曰精二曰汗三曰血四曰液故曰異名玄之又玄者謂左右腎也衆妙之門道可道者謂朝食美也非常道者謂暮為屎此依張道陵解道陵如此說也非無相生謂口與腹也難易相成謂精與氣也此老子授尹真節要也又授尹喜神丹經金液經及八煉九還丹伏火之訣其方云○金液還丹仙華流高飛雲翔登天丘赤黃之氣成須臾當得雌雄分亂珠可以騰變致行厨靈童玉女我為夫出入無間天同符真精凝霜善沉浮故其珍教必來游又授九丹之名及歌曰

○腹三五寸一分口四八兩寸唇長二尺厚薄均始七十終三旬內二百善調勻陰火白黃芽鉉兩湊聚輔翼人子處宮得安存去來游不出門

說
虛

辨曰夫道貴清淨德尚無為恬憺內持謙卑自牧不依此道別唱多端唯以行氣運動而為修養失道德之淳粹乖自然之妙門虛設巧言妄加穿鑿保丹田為至道守兩腎為重玄鄙穢糞滓誑說間里王喬羨門之輩非好此方白石赤松之流不依此道丹經煉訣不見延年服餌食芝罕曾久視周武服丹而喑啞曹武服丹而早亡悞他多少賢良不守樂天之旨既道德真訣理極於此則道藏餘文不足貴也今之道士更騁淺術或有扶鸞而亂書祇貪從飲或有驅邪而斷鬼誑人除凶或有拘

唐憂音

環墻而內守此謂坐馳或有惜言語而不行此謂
 痴默或有熊經而鳥引擬彭祖而齊肩或有飲氣
 而息神効龜鶴而老壽或有運精而上腦謂挽河
 車或固丹田而內圭謂之保養或有合氣而為道
 父子聚唐或有奪精而採神男女混雜扣齒謂之
 天鼓嚙津謂之醴泉呼男根為金莖只圖強勁呼
 女竅為玉戶潛隱醜名呼童女為真人呼交構為
 龍虎嬰兒姹女鉛汞丹爐故曰開命門抱真人嬰
 兒回龍虎戲三五七九天羅地網故張道陵黃書
 云男女有和合之法三五七九交接之道其道真

采孔胡

屎失音

訣在於丹田者玉門也唯以禁忌為急不許泄於
 道路道路者屎孔也又道家內朝律云禮法男女
 至朔望日朝師入私房詣師立功德陰陽並進日
 夜六時常立功德不得失內侍之序不得貪外道
 失中御之道不得抄前排後失次第之序亦不得
 嫌醜愛羨又云朔望之際侍師私房情意相親男
 女交接使四目兩鼻一下相當兩口兩舌彼此相
 對陰陽既接精氣遂通故老子云我師教我金丹
 經使我專心養玉莖三五七九還陰精呼吸玉池入
 玄冥行道平等昇太清此等歌訣義皆如是將斯

媿媿
列思非鳥

媿媿以為真修不思歸根復命之言唯行合氣鄙
薄之術以此求道枉陷人倫以此超昇終身已得
以斯滅罪罪不可亡以斯消灾灾不可退以斯求
福福不可生以斯出家家不可出何異蒸砂作飯
虛受劬勞鏡裏尋真終無所獲嗚呼棄驪珠而拾
礫幹夏鼎而羨糠自悞悞他死沉苦海哀哉哀哉
偷佛神化偽十四第四十二化老子入摩竭國現
希有相以化其王立浮圖教名
清淨佛号未摩尼至舍爾國自化作神從天而降
天人侍衛現身長百千萬丈又至罽賓降胡王及
王子火不能燒鐵不能煮水不能溺胡兵百萬弓
矢劍戟一時摧落飛電八衝聲如霹靂人馬驚仆
比郭先生空中頭贊又至條支國手撥大山至拘
薩羅降伏九十六種外道至迦夷羅國左手把日

右手把月藏於頭中天地冥暗山飛石裂海水逆
流山川空行又至于闐於南渠山示教胡王令尹喜
化作金人身身長丈六項佩圓光足踏蓮華從空而下
拜禮老君謂胡王曰此吾弟子與汝為師又留神鉢
令得法味又於毗摩城地變金色放九色神光徧照
塵沙國土即有赤靈真人中黃丈人太一真君九宮
六丁入封神君青龍白虎散華玉女浮雲而至老
君坐七寶座燒百和香奏鈞天樂又有八十餘國諸
王妃后皆來聽法留尹喜作佛及鉢於毘摩城却升
天去老君又於慈嶺降大毒龍徧歷五天於耆闍
山獨木樹下化玉座與王說浮圖度桑門一千五百
人受以戒律又六十六化云于闐國毘摩城伽藍是
老君化胡成佛之處中有石幢刻記其事云東方
聖人号老君來化去國下引八太子議證其事跡
辨曰案後漢西域傳三國志魏隋書西域志圖六
十卷
並紀西天五印有佛聖跡或幢或
柱咸勒其事不說老君曾留名字初張騫西來始

卷四卷合一
百卷成西域志

煦
句吁

傳浮圖之號至於今代國使往還無慮百人並不見老子西化之說古谷皇帝西征盡海之地唯有所到佛僧行近西北海有一國土城中佛塔森然若林彼國君王唯是和上之唐王玄策奉使西行至摩竭陀國於耆闍崛山及佛成道處咸述碑銘讚佛聖化未聞說有老君之事上之銘黃在王玄策傳中又湛然居士扈從太祖西征于闐父可弗叉國越天山過雪嶺風化具詳亦未知有老子之事即今煦烈大王皇帝親弟鎮守西域在尋思干西南雪山之西使命往還來往不絕除親諮詢老化並云無聞則

齟
核音

老子神異道書偽出既非通論何足信哉○欽奉聖旨禁斷道藏偽經下項見者便宜收取

化胡經 <small>王仲撰</small>	猶龍傳	聖紀經	西昇經
出塞記	九天經	赤書經	上清經
南斗經	玉緯經	紀勝賦	辨仙論 <small>梁晨</small>
齟邪論	三破論 <small>齊人張融假託他姓</small>	明真辨偽論 <small>吳籍</small>	
太上寶錄	十小論	青陽宮記	玄元內傳
帝王師錄	三天列記	十異九迷論 <small>傳齊呂玄卿</small>	
歷代應現圖	佛道先後論	欽道明證論 <small>唐真半干</small>	
輔正除邪論 <small>吳籍</small>	辟邪歸正論 <small>杜光庭</small>	十二虛無經	

藏天隱月經 赤書度命經 樓觀先生內傳

謗道釋經 林靈素杜光庭撰造破大藏經 二教根源圖 金天長觀李大方撰

歷代帝王崇道記 高上老子內傳

靈寶二十四生經 混元生三清經

五公問虛無經 混元皇帝寶錄

燒道
藏文下

△聖首就大都大憫忠寺焚燒道藏偽經除道德經外盡行燒毀遂命大都報恩禪寺林泉倫長老下火謝恩畢拈香云佛心天子憫衆生恐墮三途邪見坑箇裏了無偏黨處就中朱紫要分明所以道聖鑑無私天機莫測既未頌德敢不酌恩此香端

蠹
故都

為祝延

大元世主當今皇帝聖躬萬歲萬歲萬萬歲伏願金輪與法輪同轉福越三祇舜日共佛日齊明壽延億劫次舉火云憶昔當年明帝時曾憑烈焰辨妍媸大元天子續洪範顯正摧邪誰不知嗟乎道教陰蠹佛書自古至今造訛捏偽盜竊釋經言句圖謀貝葉題名謗毀如來賊誣先聖醜辭惡語何可言哉無蒂狂談實難徧舉始自張陵杜撰不遵老氏文言謬作醮書兼集靈寶詐道從空而得妄言太上親傳用三張鬼法以誑惑愚夫設五運神

說
丙翰

符而魘死匹婦以此觀之高孝先徒搜要妙陶洪
景謗心浮辭杜光庭白拈巧偷劫賊無異陸脩靜
外好裏弱說客何殊若非喫苦不甘爭肯說長道
短鮑靜被誅猶可王洪招報非輕傳奕姜斌不堪
齒錄張生焦輩何足言論寇謙之口舌瀾翻損他
利已林靈素機謀詭詐敗國亡家毀人祖兮定遭
一時之辱滅賢良兮必招三世之殃因果無差報
應有準嗚呼悲法琳不遇而遭貶嗟道世雖再而
難為致令釋子傷心幸得皇天開眼恭惟我大元
世主聖明皇帝陛下闢邪歸正去偽存真恐衆生

永墮迷津令萬姓咸登覺路雪冤已竟感謝皇恩
粉骨碎身莫能酬報遂以火炬打一圓相云諸仁
者只如三洞靈文還能證此火光三昧也無若也
於斯會得家有北斗經枉教人口不安寧其或未
然從此灰飛烟滅後任伊到處覓天尊急着眼看
至元十八年十月二十日大都報恩禪寺林泉長老
從倫奉勅下火○對道士持論師德一十七名

燕京 圓福寺長老從超 奉福寺長老德亨

藥師院長老從倫 法寶寺長老圓胤

資聖寺統攝至溫 大名府長老明津

對道
士持
論師
德
胤
進
羊

薊古
藥廬九

薊州

甘泉山長老本願

上方寺長老道雲

藥川

開覺寺長老祥蓮

北京

傳教寺講主了詢

大名府法華寺講主慶規

龍門縣抗講主行育

大都 延壽寺講主道壽

仰山寺律主相啟

資福寺講主善朗

絳州唯識講主祖瑤

蜀川講主老一

餘如本論

丁亥

潤二月詔行至元鈔以一准中統之五

戊子

正月二十一日大赦

江
南
教
禪
登
對

至元二十五年正月十九日江淮釋教都總統楊

輦真迦集江南禪教朝觀登對宣上竺出班聖旨

問講何經答云法華經次問仙林講何經奏云百

法論即就退位而立引問徑山雲峯和上云禪以

何為宗奏對云禪也者淨智妙圓躰太空寂泉總說譯

云再說復奏云非見聞覺知之所可知非思量分別

之所能解又傳聖旨令更說復奏云禪之為宗西

天四七唐土二三自迦葉付之阿難阿難傳之商

那和修商那和修傳之優波鞠多由是展轉而至

二十八祖菩提達磨菩提達磨即東土之初祖也

鞠
六巨

二祖
立季

祖得法後大破六宗之邪望東震旦國有大乘根
氣航海而來見梁皇一語不契遂折蘆渡江至少
林山中面壁九年得二祖神光斷臂立雪祖問當
何所求光云我心未寧乞師安心祖云將心未與
汝安光云覓心了不可得祖云與汝安心竟光得
傳心法後傳之三祖三祖傳之四祖四祖傳之五
祖五祖本一哉松道者四祖云汝已年老可再來
吾當忍死以待五祖遂至濁港江頭見一女問拔
宿而受孕托生謂之黃梅無姓兒既而傳法於五
祖黃梅法席七百高僧獨神秀上座為上首祖以

神秀
述偈

傳衣法時至今各述一偈秀即書壁間云身是菩
提樹心如明鏡臺時時常拂拭莫待惹塵埃五祖
云此偈亦未見性蓋其尚滯名相未脫知解正在
學地傳聖旨云再舉一遍復舉畢又奏云盧行者
時在碓坊為眾負舂五祖已知其素有悟門盧行
者本不識字遂倩人書一偈於壁間秀師所書偈
側云菩提本無樹明鏡亦非臺本末無一物何處
惹塵埃乃開拈云老盧此偈至本來無一物處即
是空諸所有徹法源底五祖即於夜半密付其衣
法盧得衣鉢宵遁至大庾嶺頭為明上座追及盧

六祖
述偈

接明
上座

即置衣鉢於石上云不可以力爭明乃盡其神力
鉢不能舉明乃云本為法衣非為衣也祖云不思
善不思惡正恁麼時如何是明上座本來面目當
下大悟秀歸河北自稱六祖然而知解未亡猶滯
名相故流於相宗是以教盛西北能受正傳於曹
溪是以禪盛東南謂之南能北秀此教禪所由分
也自是曹溪傳之南岳懷讓讓本觀音大士分身
讓傳之馬祖謂之馬駒踏殺天下人馬祖傳之百
丈於侍立舉掛拂處親遭一喝當下悟去直得三
日耳龔百丈對黃蘗舉此一喝黃蘗不覺吐舌亦

南嶽
馬祖

臨濟
喝

於言下洞明此喝之首後臨濟至於黃蘗三度問
佛法大意三遭六十痛棒後於大愚席下奉前話
云過在什麼處愚云黃蘗得與麼老婆心切相為
更覓過在濟大悟遂於大愚肋下築三拳愚云汝
師黃蘗非于我事臨濟歸黃蘗便與三掌自是流
通此喝謂之臨濟入門便喝此喝之所由生也所
謂德山棒者即周金剛泉緒統又傳聖旨云如何是周
金剛奏云德山本姓周為金剛經座主滿車載疏
鈔遊南方直欲撲破魔子窟宅當恁麼時甚生氣
槩於途中遇賣油糍婆子買油糍點心婆云汝是

撲
平聲

長
亮直

講金剛經座主經中有一段義若答得白喫油糍
不要錢遂問過去心不可得現在心不可得未來
心不可得三心中點那箇心座主無對古云假饒
講得千經論一句臨機下口難信知不能徹法源
底則滿車之疏皆長語也後見龍潭於侍立次遇
夜深辭去見外面黑潭遂度紙燭與之德山方接
得潭便吹滅當下大悟次日示衆云窮諸玄辯若
一毫置於太虛竭世樞機似一滴投於巨壑自是
據條白捧佛來也打祖來也打此無他恐後人滯
於名相凡有所問至支離處便與一捧此捧之所

由生也所謂德山入門便捧臨濟入門便喝夫捧
喝者豈徒施也哉奏至此遂奏云臣僧不敢多談
恐瀆聖聽傳聖旨但說不要怕又非姦偷屠販之
事遂進奏云釋迦牟尼世尊初生下時周行七步
目顧四方一手指天一手指地云天上天下唯我
獨尊所謂獨尊者非為金輪王位之尊所可尊者
我也道也法也心也正欲啓奏雲門大師一棒公
老淨伏牽衣云勿案以為佛祖雪屈時靈隱長
幸此話遂轉語云四十九年三百餘會所說之法
無非觀根逗教如一雨普沾三草二木各隨其根
器之大小而為之發機末後云始從鹿野苑終至

跋提河於是二中間未嘗談一字既是四十九年
說法因甚麼不談一字正恐後人滯於名相不離
知解所謂不談一字者熾然常說以無說之說是
名真說又於靈山會上百萬衆前拈起一枝華普
示大衆獨有迦葉破顏微笑世尊云吾有正法眼
藏涅槃妙心分付摩訶大迦葉謂之教外別傳傳
此心也印此法也達磨西來不立文字直指人心
見性成佛傳此心也印此法也奉聖訓垂問云那
講主看他長老所說教外別傳底是耶非耶上竺
出對云是是又仙林出云南方衆生多是說謊所

賜經
仙傳
持論

以達磨西來不立文字正恐伶俐的說謊貪着語
言文字故有直指之語又奉聖旨宣進榻前同仙
林賜坐謝恩畢就坐傳聖旨云持論仙林云始從
鹿野苑終至跋提河於是二中間未嘗談一字既
是不談一字五千餘卷自何而來答云一代時教
如標月指了知所標畢竟非月林云汝禪宗得法
有多少人答云從上佛祖天下老和上盡恒河沙
莫窮其數林云即今是誰答云當面蹉過林云在
什麼處答云含元殿上更覓長安林無語又傳聖
旨令泉總統問那講主問底是甚言語林答問他

禪宗得道多少人他云恒河沙數又傳聖旨汝講
主家莫看面皮何得向遠遠說來林遂問如何是
禪荅以手打一圓相林云何得動手動脚荅云只
這一圈子便透不過說甚千經萬論林無語又奉
聖旨云俺也知你是上乘法但得法底人入水不
溺入火不燒於熱油鍋中教坐汝還敢麼荅云不
敢奉聖旨為甚不敢奏云此是神通三昧我此法
中無如是事又傳聖旨如何都無輸贏林云道不
敢便是輸遂斥林云不妨會得好林無語乃躰聖
意奏云夫禪之與教本一躰也禪乃佛之心教乃

佛之語因佛語而見佛心譬之百川異流同歸於
海到海則無異味又如我萬萬歲皇帝坐鎮山河
天下一統四夷百蠻隨方而至必從順成門外而
入到得黃金殿上親觀黃金面皮方謂到家若是
教家只依語言文字未達玄旨猶是順成門外人
又如禪家未得徹證未得頓悟亦在順成門外謂
之到家亦未可也皇情大悅遂以龍袖西拂即謝
恩下殿奉御領歸寢殿賜食

巳丑

正月抄數戶計○庚寅九月日大赦

辛卯

五月二十三日詔改按察司曰肅政廉訪司

癸巳

十月二十二日大赦

至元三十年杭州徑山雲峯和上示寂師名妙高
福之長溪人父諱龜家出業儒母阮妾池上嬰兒
合爪坐蓮華心手捧得之覺而生師因名夢蓮神
采秀徹嗜書力學尤耽釋典固請學出世法父母
以夢故不能奪俾從吳中雲夢澤公受具戒師銳
意求道首茶癡絕冲冲曰此兒語纏纏有緒吾宗
瑚璉也尋又見無準於徑山準尤器愛擬以待戢
處師嘆曰懷安敗名吾不徧參諸方不止也遂之
育王見偃溪即請入侍室掌戢藏鑰一日溪舉譬

纏所

如牛過窓櫺頭角四蹄俱過了因甚尾巴過不得
師劃然有省荅曰鯨吞海水盡露出珊瑚枝偃溪
可之會師遷南屏携師與俱尋住南興大蘆遂爲
嫡嗣遷保安江陰教忠雪川何山雲衲四耒三堂
皆溢蔣山虛次直指僉議無以易師朝旨從之歷
十有三載衆踰五百德祐乙亥寺被兵革軍士有
迫師求金者師曰此但有寺有僧無金與汝俄以
刃擬師師延頸曰欲殺即殺吾頭非汝礪刀石碎
氣雍容了無怖畏軍士感動擲刃玄丞相伯顏公
見師加敬舍牛百齋糧五百寺賴以濟顏公又戒

教
辨
延

諸將此老非常人，比宜異日待之。以故寺得無恙。至元庚辰，雙徑延請師懇辭再三，乃前寺罹回祿，草創纔什一。師悉力興建，且捐衣孟，自爲僧堂。衆寮不十年，悉復舊觀。戊子春，魔事忽作，教徒譟毀禪宗。師聞之，嘆曰：此宗門大事，吾當忍死以爭之。遂拉一二同列，趨京有旨，大集教禪，延辨上問。禪以何爲宗，師奏淨智妙圓，躰本空寂，非見聞覺知，思慮分別所能到。宣問再三，師歷舉西天四七東土，二三達磨諸祖，南能北秀，德山臨濟，棒喝因緣，大抵教是佛語，禪是佛心，正法眼藏，涅槃妙心，趣

寂上乘，孰過於禪。詞指明辯，餘二千言。又宣進榻前，與仙林諸教徒返復論難。林問：禪宗得法幾人，師云：從上佛祖天下老和上，盡恒河沙，莫窮其數。林云：只這是誰，師云：含元殿上更覓長安。又問：如何是禪，師打一圓相。林不省，師曰：只這一圈透不過，說甚千經萬論。林辭屈，上大說衆喙，乃熄禪宗。按堵如初。陛辭南歸，示衆云：我本深藏岩竇，隱遯過時，不謂日照天臨，難逃至化。又云：衲帽蒙頭，萬事休。此時山僧都不會，徑山輪奐甫備，延燎復盡。師謂衆曰：吾負此山債耳，遂竭力再建，匯殿坡爲

通華州二
二十
池它屋皆易置佳處五年而成癸巳六月初小叅
訓飭學者十七日書偈而逝師生於嘉定己卯二
月十七日壽七十五臘五十九葬於寺西之居頂庵
甲午至元三十一年上崩

世祖皇帝潛龍時出征西國好生為任迷徑遇僧
開途受記由是光宅天下統御萬邦大弘密乘
尊隆三寶

帝潛龍時命忠書記叩六丁之靈求治國之道出
征江南書記奏云飛龍之時已至可速回轅上
然之猶是富有天下

帝問帝師云施食至少何能普濟無量幽冥帝師
云佛法真言力猶如飲馬珠

帝迎栴檀瑞像歸內宮安奉萬歲山仁智殿為見
世之寶

帝嘗問帝師云修寺建塔有何功德帝師云福蔭
大千由是建仁王護國寺以鎮國焉

帝命帝師齋竟天雨金華繽紛而下帝云何故有
此祥瑞帝師云陛下心華內發天雨金華讚歎
帝命伯顏丞相攻取江南不克遂問膽巴師父云
護神云何不出氣力奏云人不使不去佛不請

不說帝遂求請不日而采降

定光佛塔毫光發現

帝命開視內有舍利光耀人目由是重建寶塔

蜀僧元十遊西天回朝

帝帝問云西天佛有麼元一奏云當今東土生民
主何異西天悉達多

元十以西天琢成玉石佛像獻

帝帝寶之於萬歲山供養

元十以西天貝多葉經獻

帝帝貯以七寶函嚴加信仰

三奇
即隨
甲也

忠書記僧中之傑

帝命以三奇之道為輔出號施令帝加信任封為
太保

元十自西天持佛如來鐵鉢獻

帝帝悅寶之以鎮庫藏

帝與帝師坐次一充二僧侍側帝云何不遊戲三
昧充以一年小云從小至大為次一遂云海青
身至小天鷲身至大海青徹天飛天鷲生懼怕
充云猪狔身至小象王身至大象見狔未欺擲
向大千界帝師云我以大千界化為一釜竈煮

你四件物大小都容了帝大悅

帝問元一云孔老徒衆何以至少如來徒衆何以至多元一奏云富嫌千口少貧恨一身多

帝問揀壇主云何處有佛揀奏云我皇即是佛帝云朕如何是佛揀云殺活在於手乾坤掌上平

帝問彌陀和上云和上住在何處奏云住在我王神州帝云恁麼則時時見彌陀

帝問僧元一云和上還涉世緣麼奏云不知法故犯知法了應無

帝問帝師云僧中還有通古今事底麼時有因和

詔海雲子名立

上奏云法自漢明帝至以火辯真偽帝云古今事且置今再以火辯真偽時如何因奏云我皇有護法之心此經爭得焚燒帝悅其言

帝誕生太子詔海雲國師摩頂立名奏云世間最尊貴無越於真金

帝命東宮圍場齋帝師作懺悔帝師云衆生度脫盡仁王悲願深

帝設資戒大會隨處放光帝問帝師云光從何處來帝師回奏云感應道交佛光應現

帝命皇后娘娘鎮國寺行香右問衆僧云諸處放

光此處何無言訖定光塔上毫光燭天終日不散

帝以衆絲女圍繞帝師帝問云還也動心麼帝師

云目前雖可看爭奈老僧何帝大悅

帝問淵總統還有眷屬無回奏云終日不曾離又

問還食酒肉無淵奏云鉢盂常染腥膻味帝云

好老實人

新築京城監築者謀毀海雲國師塔兩雉相合

帝欲去其塔帝云海雲高僧築城圍之貴僧之德

千古不曆

帝一日曰梅檀瑞像現世佛寶當建大刹安奉庶

築城海雲國師塔聖壽萬安寺

切人俱得瞻禮乃建大聖壽萬安寺

帝命寫金字藏經卷軸前圖像未定帝云此經是

釋迦佛說止畫說主庶看讀者知有所自

帝詔遍天下每一歲中行布施度僧讀大藏經隨

處放光現瑞禎祥不一

常詔講華嚴大德於京城大寺開演彰顯如來之

富貴

帝設大會七處放光顯示華嚴七處之玄旨

帝問衆臣僚每日還不放閑也無衆臣僚無對帝

乃袖中出數珠示之內外百官皆歸至善

釋迦如來住世七十九年

帝至七十九歲乃云與佛同壽不為夭矣

帝詔十高僧內殿供養帝端居不動諸大德亦復

默然帝乃云此是真實功德

帝詔僧大內念經行香侍臣奏云僧多不識字有

帝乃云但教舒展拭去塵埃亦有功德

糠禪背杖戒身見

帝帝問曰此杖何為即奏云身有過失以杖責之

帝曰過失在心鞭身何益與其責身莫若責心

帝見僧有過不加王法止令閱教懺悔

令平聲

立三處講

帝詔東昌大師演教帝大悅賜以寶玉拄杖

帝平宋已彼境教不流通天下揀選教僧三十員

往彼說法利生由是直南教道大興

帝建大聖壽萬安寺帝制四方各射一箭以為界至

帝大內皆以真言梵字為嚴飾表行住坐卧不離

捨佛法也

帝賜講人紅僧衣令說法人與佛齊等

蜀僧圓證見

見去聲

帝帝問汝何所習回奏云幼明三奇長習佛乘上

悅賜以碧玉香鼎命崇香火

輟
朱劣

帝萬機之暇自奉施食持數珠而課誦

帝建大聖壽萬安寺成兩廊擬塑佛像監修官聞
奏帝云不須塑泥佛只教活佛住

帝禦北征護神現身陣前怨敵自退

廣濟大師皇宮親侍日久禮誦不輟

帝深賞讚賜以放光佛像命敬侍供養

帝問相士山水士奏云善惡由山水所主帝問太
行山如何相士奏云出姦盜帝云何以夫子在
彼生帝召僧圓證問云此人山水說得是麼證
回奏云善政治天下天下人皆善山水之說臣

僧未曉帝大悅

舍羅薩張大師志慕出家

帝從其請落髮爲僧賜七寶數珠命供日課

帝詔蜀僧圓證明六神之術上曰髡髮恐無靈驗

回奏云此六者天地日月水火之神善提場中

各說偈讚佛得大解脫門爲華嚴之嚴衛僧人

昭事神必欽依髡髮無傷帝然之

帝詔元一與道士持論元一攻其竊釋孔之言上悅

帝問僧佛牙真偽僧無對帝云真偽自分明諸人

休錯解

髡
坤音

帝命僧念無量壽王陀羅尼經能念者賜足帛稱賞
帝召東宮云海雲是汝師居住金田宜加崇飾由
是鼎新慶壽大刹

帝出郊指南華園云此處宜建梵刹段相依命修
造出狩回駕寺已周圓

帝顯正摧邪命除道德經外餘皆焚毀以絕其妄
宰臣奏分揀道藏檢出馬湘詩云樹連滄海水

連雲昔有殷周李老君人說是非皆不定五千
言外更無文符合上意龍顏大悅制焚之

帝頒行玉音詔昊天講主云聞朕在世誠約學徒

馬湘詩

究明佛法毋令滅滅

我峭普賢道場缺大藏經

命張大師徑從驛騎迓相迎送佛法流通福覃西

蜀上都道士等奏與釋教定邪正

帝云勝負如何賞罰道士云義墮者斬首帝曰不
然義墮者削髮為僧

宋主以王位未歸學佛修行

帝大悅命削髮為僧寶焉

聖安寶長老送瑞像至內心不之悅

帝云此是皇家佛汝心何懊惱帝回與三十二錠

覃音

宋主及后
寫僧

白金以表三十二相也

宋太后削髮為尼誦經修道

帝深加敬仰四事供養

帝宣宋室二宮人至皆祝髮為尼帝云三寶中人

也命歸山學佛修行供送衣糧

帝設無遮會詔信講主說總聖名目帝云既號無

遮云何有數

宋主蠶衣圓頂

帝命往西土討究大乘明即佛理

帝以金為泥命僧儒繕寫大藏經一藏貯以七寶

繕時
戰

長去
聲

琅瑤流傳萬世

帝設資戒大會避使長為僧之人使見認得欲取

帝叱云已為佛弟子誰復能為主

天竺進鉢

帝取食前珍味碎置鉢中內外侍從數滿千人各

賜一粒普令得沾如來鉢中之禪悅

帝至香山山半有泉問僧此泉足僧用否僧回奏

云日供一千僧流注尚無竭賜白金一錠命築

亭蓋覆貴其利濟

宋鎮庫栴檀方圓丈餘

帝曰鎮庫無益刻爲佛像利益人天

帝駕至香山栗園其栗方熟左右從駕萬人餘帝

誠諭云此爲三寶物一箇不容拈

僧衆遠迎

帝駕帝曰往日僧人三詔不起今日僧人云何遠

迎僧無對

帝設大會閣梨佛聲響亮帝曰如是佛音聲多少

衆生生善心乃賜白金一錠

弘法寺藏經板歷年久遠

命諸山師德校正訛謬鼎新嚴飾補足以傳無窮

訛何牛

帝一日云三人護法二已去了惟朕一人當令佛

法愈隆愈盛

帝命逸林上師譯藥師壇法儀軌爲天下消八苦

之灾增無量之壽

帝設十萬僧會命十師對御說法賜白金十錠玉

柱杖十条

外邦貢佛舍利

帝云不獨朕一人得福乃於南城彰義門高建門

塔普令往來皆得頂戴

帝命高僧重整大藏分大小乘再標芳号徧布天下

藥師壇法

法寶標目

勅開
戒

帝一統天下外邦他國皆歸至化帝印大藏三十
六藏遣使分賜皆令得瞻佛日

帝命帝師云去佛遙遠僧戒全虧可選諸路高僧
賜紅黃大衣傳授薩婆多部大戒

帝云菩薩戒本但解法師語者皆得傳受乃印造
一千部流通散施普令大地衆生皆奉如來寶戒

帝問揀壇主云何處為最上福田回奏云清涼帝
云真佛境界乃建五大寺為世福田

帝於五臺運工建寺有澗無水興工之日段張公
澗覓水突然涌出給濟不乏

清涼
建寺

臣佐奏以天下僧尼一例同民

帝問民籍若干府庫若干奏云不知上曰輔相治
道固宜用心此乃不理而急於食菜餽之僧
人其事乃止

帝聞五教義帝云頓教即心是佛諸佛境界凡夫
不修如何得到

帝見西僧經教與漢僧經教音韻不同疑其有異
命兩土名德對辯一一無差帝曰積年疑滯今

日決開故有法
實勘同

帝以佛教為心厭化胡偽造歷代斷除莫之遏絕

嚴天下焚毀無遺

釋迦如來真身舍利寶塔統御刹中計一十九所各頒錢帛廣加嚴飾大陳供養

帝嘗召群臣云朕以本覺無二真心治天下國家如觀海東青取天鷲心無二故

帝每齋日以南天竺佛益置七寶珍羞澄湛觀心廣修供養

帝自有四海天下寺院田產二稅盡行蠲免普令緇侶安心辦道

天下寺院山林樹木徧諭玉音嚴加護持母令斫

免僧稅

伐以嚴佛如來之境界

帝以俗制於僧共其崇敬徧諭天下各主綱維主掌教門護持佛法

臣下聞奏有俗僧人宜令同民帝令修補寺院以遮其過

帝主領天下頒降聖旨諭一切僧人不揀甚麼差發休當遵依釋迦牟尼佛道子行持

阿合麻丞相奏天下僧尼頗多混濫精通佛法可允為僧無知無聞宜令例俗膽巴師父奏云

多人祝壽好多人生怒好

帝崩
現光
燭天

帝云多人祝壽好其事乃止

帝靈駕經宣德現大圓光周徧天界合境僧俗悉

皆瞻禮蓋顯古佛示現之作用耳已上百段出弘教集

念常讚曰華嚴云菩薩住初地作大功德王以

法化衆生慈心無損害統領閻浮提化行靡不

及皆令住大捨成就佛智慧若欲廣分別億劫

不能盡今觀弘教集載

世祖皇帝實錄百餘篇字字句句以弘教為己任

如有云朕以本覺無二真心治天下國家如觀

海東青取天鷲心無二故由此論之萬機之暇

不離念佛念法念僧苟非

大聖慈念群生特垂化迹能如是邪使唐虞再世

亦無以加矣荷敷盛哉敬錄于前以曉末學云

乙未成宗完者篤欽明廣孝皇帝即位於甲午四月十四日十五日大

赦改元貞元年

丁酉二月二十七日大赦大德

巳亥正月遣使問民疾苦

壬寅三月三日大赦

大德六年九月一日五臺山大萬聖祐國寺真覺

國師歿師諱文才字仲華揚氏其先弘農人高曾

狃
鈕音

惑

以來世官壘坻父靜義金季為清水主簿遂家焉
少孤事母孝於書無所不讀性理之學尤其邃也
故約而為守蔚而成文辭氣雅健如古作者為人
沈厚若素不讀書者至與士君子談接其辭辯其
事詳其理盡出入經史滔滔若河漢之決莫窺其
渙其講授經論得旨言外不屑屑於名數嘗曰學
貴宗通言飲會意以意逆志為得之美語言文字
糟粕之餘也豈有餘味哉彼狃於文字味其糟粕
徒騁知見以記問自多殊不知支離其知穿鑿其
見愈或多岐不能冥會於道聽其說適足以熟耳

而已豈能開入慧目乎所著懸談詳略五卷肇論
略疏三卷慧燈集二卷皆內據佛經外援儒老託
譬取類其辭質而不華簡而詣取其達而已隱居
成紀築室樹松將以終老然以行修乎邇德加乎
遠雖自韜晦其道愈彰人尊其德不敢名以松堂
稱之佛教之興始於洛陽白馬寺故稱釋源其宗
主歿詔以師繼之世祖嘗以五臺絕境欲為佛寺
而未果也成宗以繼志之孝作而成之賜名大萬
聖佑國寺以為名山大寺非海內之望不能尸之
詔求其人於帝師迦羅斯巴會師自洛陽未見帝

師喜曰佑國寺得其人矣詔師以釋源宗主兼居
佑國師見帝師以辭曰某以何德猥蒙恩寵其居
白馬已爲過分安能復居佑聖願選有德者爲之
幸怜其誠以聞於上帝師不可曰此上命也上於
此事用心至焉非女其誰與居此吾教所繫女其
勉之居歲餘大德六年將如洛陽道真定館于某
寺疾作九月一日歿年六十有二火後獲舍利者
數百粒其徒歸葬於五臺東山之麓

癸卯

大德七年臆巴金剛上師歿師名功嘉葛刺思此

三月十六日詔定職罪條例爲十二及章增給朝官
月俸外任公田種米等○八月六日太原平陽地震

云普喜名聞又名臆巴此云微妙西番突甘斯且
麻人幼孤依季父聞經止啼知其非凡遣侍法王
上師試以梵呪隨誦如流曰此子宿積聰惠異日
當與衆生作大饒益年十二訓以前名自是經科
咒式壇法明方靡不洞貫年二十四講演大喜樂
本續等文四衆悅服上師令巴至西天竺國參禮
古達麻室利習梵典盡得其傳初出世祖居潜邱聞
西國有緯理哲瓦道德願見之遂往西涼遣使請
於廓丹大王王謂使者曰師已入滅有姪登思巴
此云聖壽年方十六深通佛法請以應命至都旬

帝師
應命
至京

摩訶葛刺
之助國驗

日即乞西還上召問曰師之佛法比叔如何曰叔之佛法如大海水吾所得者以指點水於舌而已問答允稱上喜曰師年雖少種性不凡願為朕留當求戒法尋禮為師巴入中國詔居五臺壽寧壬申留京師王公咸稟妙戒初天兵南下襄城居民禱真武降筆云有大黑神領兵西北方來吾亦當避於是列城望風款附兵不血刃至於破常州多見黑神出入其家民罔知故實乃摩訶葛刺神也此云大黑蓋師祖父七世事神甚謹隨禱而應此助國之驗也乙亥師具以聞有旨建神廟於涿之

陽結構橫麗神像威嚴允水旱蝗疫民禱嚮應辛巳歲師得道藏化胡經并八十一化圖幻感妄誕師乃嘆曰以邪惑正如此者遂奏聞召教禪大德及翰林承制等詣長春宮辯證辨偽錄明詔下諸路除道德經外其餘偽文盡令焚毀至壬午師力乞西歸上不能留初相哥受師戒繼為帝師門人屢有言其豪橫自肆者師責而不悛由是術之逮登相位懼師謹直必言于上乃先入巧言譖師故有是請首於雲中次至西夏以及臨洮求法益眾未幾權臣復譖令歸本國師至故里閱六寒暑己丑相

哥遣使傳召還都於聖安寺安置四月赴省聽旨
 令往潮州師忻然引侍僧昔監藏子身乘驛即日
 南向及出都門雷雨冥晦由汴涉江泊于閩廣所
 至州城俱沾戒法八月抵潮陽館于開元寺有樞
 使用的迷失奉旨南征初不知佛其妻得奇疾醫
 禱無驗聞師之道禮請至再師臨其家盡取其巫
 覘繪像焚之以所持數珠加患者身驚泣乃甦且
 曰夢中見一黑惡形人釋我而玄使軍中得報喜
 甚遂能勝敵由是傾心佛化師謂門人曰潮乃大
 顛韓子論道之處宜建刹利生因得城南淨樂寺

斥赤音
 詫亞丑

故基將求材未知其計寺先有河斷流既久庚寅
 五月大雨傾注河流暴溢適有良材泛集充斥見
 者驚詫咸謂鬼輸神運焉樞使董工興創殿宇既
 完師手塑梵像齋萬僧以慶贊之嘗謂昔監藏曰
 吾不久有他往宜速成此寺後師還都奏田二十
 頃賜額寶積焉未幾召還相哥已伏誅矣癸巳夏
 五上患股召師於內殿建觀音獅子吼道場七日
 而愈施白金五十錠叙及相哥讚師之語師以宿
 業為對宰臣莫不駭服上謂師曰師昔勸朕五臺
 建寺今遣侍臣伯顏司天監蘇和鄉等相視山形

圖呈師師曰此非小緣陛下發心寺即成就未幾
上宴駕甲午四月成宗皇帝踐祚遣使召師師至
慶賀畢奏曰昔成吉思皇帝有國之日疆土未廣
尚不徵僧道稅糧今日四海混同萬邦入貢豈因
微利而棄成視倘蠲其賦則身安志專庶可勤修
報國上曰師與丞相完澤商議奏曰此謀出於中
書省官自非聖裁他議何益上良久曰明日月旦
就大安閣釋迦舍利像前修設好事師宜早至翌
日師登內閣次帝師坐令必闍赤朗宣勅旨顧問
師曰今已免和上稅糧心歡喜否師起謝曰天下

僧人咸沾聖澤元貞乙未四月奉詔住大護國仁
王寺勅太府具駕前儀仗百官護送寺乃昭睿順
聖皇后所建其嚴好若天宮內苑移下人間是年
遣使詔師問曰海都軍馬犯西番界師於佛事中
能退降否奏曰但禱摩訶葛刺自然有驗復問曰
於何處建壇對曰高梁河西北甕山有寺僻靜可
習禪觀勅省府供給嚴護令丞相答失蠻上親染
宸翰云這勾當怎生用心師理會者師的勾當朕
理會得也於是建曼拏羅依法作觀未幾捷報至
上大悅壬寅春二月帝幸柳林遘疾遣使召云師

如想朕願師一耒師至幸所就行殿修觀法七晝
夜聖躰乃瘳勅天下僧寺普閱藏經仍降香幣等
施即大赦天下上曰賴師攝護朕躰已安即解頸
七寶牌為施皇后亦解寶珠瓔珞施之并施尚乘
車輦騾馬白玉鞍轡金鼻峇喇黃白金各一錠官
幣十八疋御前校尉十人為師前導三月二十四
日大駕北巡命師象輿行駕前道過雲州龍門師
謂徒衆曰此地龍物所都或興風雨恐驚乘輿汝
等密持神呪以待之至暮雷電果作四野震怖獨
行殿一境無虞至上都近臣咸謝曰龍門之恐賴

師以安癸卯夏師示疾上遣御醫候視師笑曰色
身有限藥豈能留五月十八日師問左右今正何
時對曰日當午矣師即歛容端坐面西而逝上聞
悲悼不勝賜沉檀衆香就上都慶安寺結塔茶毗
王及四衆莫不哀惻是月二十九日勅丞相峇失
蠻開視焚塔見師頂骨不壞舍利不計其數輪珠
坐氈如故回奏加歎勅大都留守率承應伎樂迎
舍利歸萃仁王寺之慶安塔焉世壽七十有四僧
牒六十二秘密之教彼土以大持金剛為始祖累
傳至師益顯故有金剛上師之號焉

戊申 武宗曲律仁慧宣孝皇帝即位改至大十一月二十

瑞像計二千三百年矣

已酉

造至大銀鈔

十月詔鑄大元通寶錢及至大通寶小錢十月十七日大赦

至大二年內翰趙孟頫奉

勅撰臨濟正宗之碑

佛法大智惠破一切有以大圓覺攝一切空以大慈悲度一切衆始於不言而至於無所不言無所不言而至於無言夫道非言不傳傳而不以言則道在言語之外矣是為佛法最上上乘如以薪傳火薪盡而火不窮也故世尊拈華迦葉微笑一咲之頃超然獨得尚何可以言語求哉自摩訶迦葉

二十八傳而為菩提達磨始入中國居嵩山少林寺面壁坐者九年達磨六傳而為能能十傳為臨濟臨濟生于曹州遊學江右事黃蘗問佛法的的大意蘗便打如是三問三度被打辭往大愚理前話云不知過在甚麼處愚曰黃蘗恁麼老婆為汝得徹困猶覓過在師言下大悟歸鎮州築室潯洹河之上今臨濟院是也因號臨濟大師師之於道得大究竟繇臨濟而上至於諸佛諸佛之下至於臨濟前聖後聖無間然矣直指人機若發矢學者聞之耳目盡喪表裏無據自能後禪分為五唯

師所傳號為正宗一傳為興化獎再傳為南院顯
三傳為風穴沼四傳為首山念又五傳為五祖演
演傳天目齊齊傳懶牛和和傳竹林寶寶傳竹林
安安傳海西堂容菴容菴傳中和璋璋傳海雲大
宗師簡公海雲性與道合心與法冥細無不入大
無不包師住臨濟院能系祖傳以正道統佛法蓋
至此而中興焉當

世祖聖德神功文武皇帝在潛邸數屈至尊請問
道要雖其言往復紬繹而獨以慈愛不殺為本師
之大弟子二人曰可菴朗蹟菴儂朗公度華菴滿

及太傅劉文貞儂公度西雲大宗師安公師以文
貞公機智弘達使事世祖皇帝當是時君臣相
得策定天下深功厚德及於元元卒為佐命之臣
皆自此啓之也元貞元年成宗有詔迎西雲住
天都大慶壽寺進承清問經歷三朝發摛玄言得
諸佛智懸判三乘如一二數由是臨濟之道愈擴
而大今皇帝欽承祖武獨明妙心刻玉為印
以賜西雲其文曰臨濟正宗之印特加師榮祿大
夫大司空領臨濟一宗事仍詔立碑臨濟院且命
臣孟頫為文稱揚佛祖之道以示不朽臣孟頫既

叙其所傳授又系之銘銘曰佛有正法覺明妙心二十八傳至于少林赫赫少林師我震旦使為佛種不缺而斷傳十世後而得臨濟為道坦然如指而示又十六世是為海雲坐祖道場能紹厥聞維我世祖誕膺天命威震九有維佛是敬聞師之名若古賢聖嘗進一言深入聖聽不殺之仁其利甚弘俾大弟子為帝股肱至西雲公能嗣其業據獅子座為眾演說聞者讚歎信者鄉風得者如寶悟者如空今皇帝聖深契道要曰臨濟宗繫尔能紹即心即佛時廼世守傳不以言而以心受

皇帝萬年正法永傳尚迪後人勿昧其原

勅賜乞台薩里神道碑趙子昂為文其略曰

太祖皇帝既受天命略定西北諸國回鶻最疆冢先附遂詔其主亦都護第五子與諸皇子約為兄弟寵異冠諸國自是有一才一藝者畢效於朝至元大德間在位之臣非有攻城戰野之功斬將搴旗之勇而道包儒釋學際天人寄天子之腹心繫生民之休戚者惟趙國文定公而已今上皇帝臨御之七年始行褒卹之典於是贈公祖父官爵勲封越明年復賜碑墓道命臣孟頫為之文當

世祖時公爲平章政事臣爲兵部郎中趨走省闈
識公爲舊承言論政知公爲詳敢不祇奉 明詔
公諱乞台薩里早受淨圖法於智全末利可吾坡
地沙圓通辨悟當時咸推讓之累贈純誠守正功
臣太保儀同三司上柱國追封趙國公謚通敏又
從國師八思馬學蜜乘不數月盡通其書旁達諸
國及漢語 世祖知其材俾習漢文書頃之遂通
諸經史百家若陰陽曆數圖緯方技之說靡不精
詣會國師西還携與俱歲餘乞歸省師送之曰以
汝之學非爲我佛弟子者我敢受女拜耶勉事聖

君相泣而別北至關師已上書薦之 裕宗得名
入宿衛日以筆札侍左右至元二十年冬有二僧
西來見自言知天象上召通象胥者數輩與語莫
能解有脫烈者言公可使立召與語僧乃屈謝不
如上大悅明年夏擢朝列大夫左侍儀奉御秋置
集賢館命公領集賢公請以司徒撒里蠻領之乃
以公爲中順大夫集賢館學士兼太史院事明年
夏遷嘉議大夫明年春叔集賢大學士中奉大夫
明年春進資德大夫尚書右丞並兼太史院事冬
拜榮祿大夫平章政事兼集賢大學士太史院使

通車十二
二十八_年乞解機務以爲集賢大學士三十年加
領太史院事自初授官至是凡八遷並兼左侍儀
奉御明年世祖登遐裕聖皇后命公帥翰林
集賢太常禮官備禮冊立成宗即皇帝位明年
春以翊戴功加守司徒大德三年復拜平章政事
十一年春成宗宴駕哀慟成疾秋八月十有七
日薨于大都發祥里第年六十三以是月日葬城
西南岡子原

勅賜佛國普安溫禪師塔銘侍書奎章閣虞集撰
其略曰師諱至溫字其王一號全一邢州郝氏子

也幼聰敏異常兒年六歲其母携之至龐馬村見
寂照和尚於淨土院寂照曰汝其爲釋氏乎師心
許之會寂照避亂去隱遼西廼禮寂照弟子辨菴
訥而祝髮焉無還富公主淨土泣衆甚嚴師不以
爲忤庚寅之歲無還開法萬壽師與十僧同往佐
之萬松某公以青州辨公宗旨開示法要門庭高
廣四方尊之師見萬松始以才氣過人稍不容於
衆然而博記多聞論辨無礙百家諸子之言多所
涉獵又善草書有顛素之遺法年才十有五爲萬
松侍者凡萬松偈頌法語一聞輒了之遂得法焉

常以侍者代應對談鋒迅利不可犯時人已深期之故太保劉文貞公長師一歲少時相好也劉公厭世故思學道師勸之為僧同參西京寶勝明公既而為世祖知遇侍幃帷為謀臣薦師可大用得召見與語大悅將授以官弗受曰天下佛法流通臣僧之願富貴非所望也留王庭多有贊益居三歲遣還出賜金資日用不計其費時憲宗命海雲主釋教詔天下作資戒會師持旨宣布中外而輔成之世祖征雲南還劉公請承制錫師號曰佛國普安大禪師總攝關西五路河南南

京等路太原府路邢洛磁懷孟等州僧尼之事刻印以賜師銳意衛教允僧之田廬見侵於豪富及他教者皆力歸之馳駟四出周於所履必獲其志乃已自其門人或勸之少憩弗懈也憲宗末年僧道士有諍各為違言以相危上命聚訟於和林剖決真偽師從少林諸師辨之道士義墮剃鬚髮者十七人道宮之復為者以千百計中統建元釋教大盛僧衆賴之甚思師之功焉而師遂納印辭職每歲官賜金修寺之外世味泊如也至元丁卯五月二十二日以疾終於桓州之天宮寺西向

右脇而化當暑儀形如生更有異香三日火浴之心舌牙不壞衆庶培其地深數尺猶得舍利云世壽五十一僧臘四十臣聞世祖皇帝聖度如天善馭豪傑自在潛邸至於混一海內天下之人材大小畢至以足其任使故其功業之盛巍巍然赫赫然三代而下帝王未有或之及也浮圖氏以寂滅爲宗而材器文辨如温公亦豈常人之流哉敢叙而表之以見夫興王之運其人如此銘曰維昔世皇始理開平作其藩藩有宮有城顧瞻東隅泉甘土厚蜿蜒來止屬垣負阜命建仁祠龍光是名權輿來尸僧有豪英氣如紅霓辨若風雨縱橫凌厲莫敢余侮世皇有爲群策是稽召見從容出其端倪善其利器俾反初服報德不回屹若孤鵠林林釋徒稟教以居孰爲紛更入主出孥天子有命存完去駁我馳我驅立折其角燕趙之間至於陝關我田我廬匪歸匪艱世皇御一民用寧一而釋之門旣振旣息時龍光師燕居弗馳散其緒餘爲書爲詩詩揚宗風書縱逸趣沛將有迷棄而遽去維時名僧至於公鄉有誄有辭失之若驚垂八十年英標如在誰知表之嗣者七代義舉有

名權輿來尸僧有豪英氣如紅霓辨若風雨縱橫凌厲莫敢余侮世皇有爲群策是稽召見從容出其端倪善其利器俾反初服報德不回屹若孤鵠林林釋徒稟教以居孰爲紛更入主出孥天子有命存完去駁我馳我驅立折其角燕趙之間至於陝關我田我廬匪歸匪艱世皇御一民用寧一而釋之門旣振旣息時龍光師燕居弗馳散其緒餘爲書爲詩詩揚宗風書縱逸趣沛將有迷棄而遽去維時名僧至於公鄉有誄有辭失之若驚垂八十年英標如在誰知表之嗣者七代義舉有

庚戌

聞天子喜之史臣屬辭以係遐思

正月行使歷代舊錢○十月十八日大赦

太師魯國忠武王木華黎身長七尺虎首虬鬚黑

面多謀略雄勇冠一時與博尔术博尔忽赤老温

俱以忠勇佐太祖時號掇里班曲律猶漢言四

傑也太祖行次東印度鐵門關侍衛者見一

獸鹿形馬尾綠色而獨角能為人言曰汝軍宜早

迴上怪問耶律晉鄉楚才奏曰此獸名角觴音端

日行一萬八千里解四夷語是惡殺之象蓋上天

遣之以告陛下願承天心宥此數國人命寔陛下

辛亥

無疆之福即日下詔班師右出本朝功臣事畧

正月五日以上年十一月二十三日郊祀大赦

三月十八日登極大赦賜高年帛○四月禁使新

舊銅錢及至大銀鈔

革罷僧道衙門

論曰望五位以外階轉二依而就果者上乘菩薩

也以四向一坐而證成三生百劫而彰号者緣覺

聲聞也聖賢品級教有明文唯妙悟自心入佛知

見者千聖尚不為何階級之有大教東被三百五

十餘年後魏以趙郡沙門法果為沙門統供施之

琮
崇音

不足又官品之遂授輔國宜城子忠信侯尋進公
爵曰安城封官自果始也梁以慧超為壽光殿學
士後周選僧道中學問優贍者充通道觀學士仍
改服色隋以彥琮為翻經館學士唐中宗神龍二
年造聖善寺成慧範慧珍法藏大行會寂元壁仁
方崇先進國九人加五品並朝散大夫蓋以營像
修造之功也尋加惠範正議大夫上庸郡公寺主
至銀青光祿大夫俸料房閣已上同職官給玄宗
卜平內難僧清潤封官三品醫寧王疾愈僧賜緋
袍代宗加不空三藏至開府儀同三司肅國公食

邑三千戶辭讓數四不允空曰吾以法濟世不意
垂死濫污封爵品秩唯空為極矣宋金兩朝南北
殊風而封釋官秩頗存典故然猶遵律印信未聞
迨我皇元世祖皇帝混一海宇條綱制度一出睿
思謂以俗制於僧殊失崇敬諭天下設立宣政院
僧錄僧正都綱司錫以印信行移各路主掌教門
護持教法賴聖天子不負佛囑也然而裨販之流
好爵縻賢恃其所貴而貴之奔走伺候處污不羞
以敲朴喧囂牒訴倥傯為得志不奪不厭致有囊
加巴僧錄枉取栲栳山僧錢罔佛律行可謂師子

秩直

身重也仁宗皇帝居儲宮日目擊其弊降旨除宣政院外一例革之是亦不負靈山付囑也於戲朝廷尚行於爵秩釋子乃競於官階官階無盡期貪受無滿分胡不養其妻子跪拜君親何異織女七襄牽牛負輓者耶識達於此無取焉盛矣乎不空粉澤大教有功猶媿濫汚今何人而欲假名器哉

壬子仁宗文英武章皇帝○十月二十九日以諸王入

觀大赦改皇慶

癸丑十月十八日詔科場以經義取士

甲寅正月二十一日改延祐大赦○十一月遣使經理江西江浙湖廣田糧

弘教佛智三藏法師入寂公積寧氏諱沙囉巴觀照事上師著粟赤學佛氏法善吐番文字頗得秘密之要世祖皇帝嘗受教於帝師登思巴詔師譯語辭致明辨允愜聖衷詔賜大辯廣智法師河西之人尊其道而不敢名止稱其氏至呼其子弟皆曰此積寧法師家其為見重如此公昆弟四人公其季也總卯之歲依帝師登思巴發羅染為僧學諸部灌頂之法時有上士名刺温卜以焰鼻德迦密乘之要見稱於世帝師命公往學此法温卜以公器偉識高非流輩比悉以秘要授之於是王公大

干
汗音

人凡有志茲道者皆於公師而受焉帝師迦羅思
巴幹即哩以公之能薦之世祖詔譯諸秘要俾傳
於世時僧司雖盛風紀寢弊所在官吏既不能干
城遺法抗禦外侮返為諸僧之害桂蠹桑癘雖欲
去之莫能盡也頽波所激江南尤甚朝廷久選能
者欲使正之以白帝師僉謂諸色之人豈無能者
必以為識時務孰與公賢以詔授江浙等處釋教
總統既至削去煩苛務從寬大其人安之既而改
授福建等處釋教總統以其氣之正數與同列乖
迤而不合公謂天下何事况教門乎蓋吾人之庸

數
角色

建言
華僧
衙門

自擾之耳夫設官愈多則事愈煩今諸僧之苦蓋
事煩而官多也十羊九牧其為苛擾可勝言哉建
言罷之以聞詔罷諸路總所議者稱其高公既得
請廼遁迹壠坵築室種樹蓋將終焉至大中以皇
太子令召至京師詔授光祿大夫司徒仁宗皇帝
龍德淵潛之日嘗問法於公知公之賢既踐天位
眷遇益隆詔給廩既館於慶壽寺詔公所譯皆板
行之公幼而穎悟諸國語言皆不學而能自為兒
人皆以為必成大器既長果能樹立致位三公雖
以德藝抑亦遭遇於時也其始為佛誦其言觀其

既
計於

賜不
求醫
潘疾王
潘枕昌

義既涉其涯遂屬於深為人好賢愛能尤能取諸
人以為善談論之際發其端已得過半之思故其
所有皆以好問而致是以名勝之流皆從之游以
師友相處延祐元年十月五日歿年五十有六其
始疾也詔賜中統鈔萬緡俾求醫藥太尉潘王往
脉疾焉既歿又賜幣萬緡以給葬事遣使驛送其
喪歸葬故里門弟子相與建塔以表其藏壽安山
雲麓洪公作銘有謂佛法之傳必資翻譯故譯梵
為華或敵對名物或唯以義必博通經論善兩方
之言始能為之是以道安嘗謂翻譯微言有五失

本三不易故非能者不足以有為也所以傳列十
科翻譯居首者豈非以其為之難功之大乎予嘗
以詔與京邑諸公校讎藏典歷觀自古翻譯之家
以義譯經如秦之羅什譯論唐之奘公十數人之
作所謂禹吾無間然矣其餘或指義曖昧或文辭
踈拙夫義之曖昧蓋譯者之未盡文或踈拙潤色
之失也因思安公之言以謂以弥天之高尚稱不
易今之譯者何其易哉自季葉以來譯場久廢能
者蓋寡豈意人物凋殘之際乃見公乎觀其所譯
可謂能者哉

天合
賢首
慈恩
為三

秦州普覺法師卒教自隋唐之後傳者各宗其說
遂派而為三由止觀之門觀假而悟空觀空而趣
中以入於實相者為天台宗會緣入實即俗而明
真者為賢首宗窮萬有之數昭一性之玄有空殊
致而同歸乎中道者為慈恩宗師為慈恩宗者也
姓趙民諱英辯垂髫為驅烏甫弱冠資二百五十
戒二十有五得傳於栢林潭公為座主凡為僧六
十有一年年六十有八延祐元年六月庚戌終於
景福寺煥異景於易簣之夕標奇迹於火葬之餘
以其年月日塔於普覺寺之後師為性真純如美

簣
音責

乙卯
丙辰

王含璞雖不加雕繪而人自愛重之至於悍卒武
夫亦能敬其人謂無佛之世足為佛也每得錢幣
悉以朔佛祠食守道之侶故君子高其風

三月遣使宣撫問民疾苦

平寧都冠○十一月二十七日以星苦大赦天下

禮公哥羅古羅思監藏班藏卜為帝師

勅建栴檀瑞像殿記翰林承旨程鉅夫撰文曰蓋
聞道非有象作易者必擬諸形容法本皆空度世
者暫資於色相謂如指空為鏡不若以鏡而喻空
即樹占風將使識風而忘樹是以雙林付囑舍利
以凡聖而徧分千輻經行足跡亘古今而常在非

旃檀
瑞像
記

炫神通於幻境實開方便於迷津所謂由自以會
心即心而即佛者也旃檀瑞像者佛之真像也其
猶萬影沉江如如不異孤光透隙一一皆圓夫豈
擇地而容蓋以隨緣而應望梅林而止渴靡不同
沾泛竹葉以言歸誰堪共載惟我聖天子道躋先
聖慈等覺皇祝長樂之春秋恒依佛地企如來之
歲月坐閱人天爰命集賢大學士李衍及教禪耆
德叙具本末乃云釋迦如來淨飯王太子生於甲
寅四月八日是為成周昭王二十四年既生七日
佛母摩耶夫人往生初利至四十二年太子棄位

龜茲
音丘
慈

出家修道穆王三年癸未道成八年辛卯思報母
恩遂外初利天為母說法優闡王自以久失瞻仰
欲見無從乃刻旃檀為像目捷連慮有缺陋謬躬
以神力攝三十二匠外初利天諦觀相好三返乃
得其真既成國王臣民奉之猶真佛焉及佛自初
利天復至人間王率臣庶同往迎佛此像騰步空
中向佛稽首佛為摩頂授記曰我滅度千年之後
汝從震旦廣利人天由是西土一千二百八十五
年龜茲六十八年涼州十四年長安一十七年江
南一百七十三年淮南三百六十七年復至江南

迎像
奉於
萬安
寺
計像
年代

二十一年汴梁一百七十七年北至燕京居今聖
安寺十二年北至上京大儲慶寺二十年南還燕
宮內殿居五十四年大元丁丑歲三月燕宮火尚
書石抹公迎還聖安寺居今五十九年而當世祖
皇帝至元十二年乙亥遣大臣孛羅等四衆備法
駕伏衛音伎奉迎萬壽山仁智殿丁丑建大聖萬
安寺二十六年己丑自仁智殿奉迎於寺之後殿
世祖躬臨大作佛事計自優闡王造像之歲至今
詔述延祐三年丙辰凡二千三百有七年噫四大
海中頓覺業風之息一彈指頃不知賢劫之過嘉

與含靈從茲安隱於是集賢大學士臣顯以所述
上聞有旨授臣鉅夫為之記夫謹奉詔言曰古之
聖人教民報本追遠之道而於祭祀之禮庶則木
為之主祭則孫為之尸後也乃有像設焉而不知
其所由始由斯觀之其原於西域之俗也與夫佛
為世出世間之尊又何踈於贊述然欲知佛之為
佛固不在於色相而况於其侶色相者乎然苟不
自其似而求之又將無所措其歸向之心是故法
身無相必假相以表真至道絕言亦因言皆妙若
於粗者猶拳拳而息焉則其進也殆庶幾乎陛下

奇居

考百王之度酌群言之蘊上以博孝下以施仁蘄於厚天下者無所不用其極至於軌仁於善以輔政教之所不逮亦因天下之心而為之而非若彼內祠秘祝者之為也夫以金石之捍堅猶未能必可久今以一木之為而綿歷若此然而佛之自衛固甚周而人之保之也抑豈一手足之功哉嗟夫邈延二千有奇至於陛下然後發德音經紀鴻烈非緩也熙明之治至是而始隆雖典祀之外猶必以斯文文之也然則化之漸被者廣矣不其盛與記洛陽之伽藍筆多慚於董史頌西方之無量壽

封普庵頭宣

共祝於堯年莫測真如徒欣聖際謹記是年封普庵禪師加號其詔曰上天眷命皇帝聖旨朕聞佛氏以空寂為宗則凡學所遵者寧欲建名號殊稱謂以示天下後世哉而國家非此無以昭尊德樂道之意也朕自即位以來聞袁州路南泉山慈化禪寺普庵寂感妙濟真覺昭貺大德慧慶禪師紹臨濟之緒超華嚴之境德映當代澤被方來其道甚尊顯心切慕之既累錫大謚唯塔号未稱可加定光之塔曰定光靈瑞之塔者主者施行正月十日大赦○初加東林遠法師号妙覺寂光宏辨大師都省咨文

丁巳

哉

史側

京都崇恩福元謙講主卒公諱德謙姓楊氏寧州
 定平人幼為勤策從僧讀佛氏書長時周游秦洛
 汴汝諮訪先德學苾藷之道又逾河而北觀風齊
 魏燕趙之郊初受般若於邠州寧公瑞應於原州
 忠公又受幽贊於好時仙公圓覺於乾陵一公後
 受唯識俱舍等論於陝州頊公首楞嚴四分律疏
 於陽夏聞公凡六經四論一律皆辭宏旨奧窮三
 藏之蘊而數公並以識法解義馳聲四遠公皆親
 熏而炙之躋其堂而嚙其齋故年未逾立已有盛
 名於時後至京師受華嚴圓頓之宗於故大司徒

睦

韋音

萬安壇主揀公之門揀以公博學多能甚器重之
 初以詔居萬寧寺後又以詔居崇恩寺萬寧成宗
 所創崇恩武宗所創也兩居大寺前後一紀道德
 簡於宸衷流聲洋於海隅未嘗以寵遇顯榮為之
 志而改其素嘗語人曰睦衣之士抗塵世表苟不
 媿於朝聞夕死可矣尚何慕於外哉自以重居官
 寺久佩恩榮而浮圖之道恬退為高乃以讓其弟
 子退居幽僻謝絕人事括囊一室以樂其道延祐
 四年正月二十八日終於隱所世壽五十有一為
 僧四十三夏宰臣以聞皇太后賜緡五千緡賻葬

敕有司備儀衛集京畿諸寺播蓋鼓樂以送之火
後獲設利數十顆其徒建塔於南城之南

△

京城大普慶寺實相圓明光教律師入寂師諱法
開嚴氏陝西人按姓氏略嚴與莊皆芋姓楚莊王
之裔以謚為氏避漢明諱改氏為嚴公年七歲從
禪德輝公學十有五薙染為僧年二十受具戒於
是游汴汝河洛歷諸講肆研究教乘從大德溫公
學法華般若唯識因明及四分律溫以公任重道
遠克振吾宗託以弘傳之寄嘗對佛像灼肌然指
庸表克誠刺血書經以彰重法遂隱於臺山不踰

杜順
示迹
之地

聞者六載讀藏教五千卷者三番是以業進行修
身藏名著帝師亦憐命公講說般若指授因明之
要因顧謂其徒曰孰謂漢地乃有此僧耶三輔之
人勸輝致書勗以兼善毋忘鄉梓請歸長安公以
弟子於師義猶君父父師之命敢不敬承况父母
之邦鄉里之義可遂忘乎廼抗策而西既至耆老
皆驩呼而言曰吾鄉之人得所師而承教矣尋以
安西王命居城南之義善寺唐初神僧杜順示迹
之地也邠岐涇渭四字講筵不絕從而學者蓋千
數焉天子聞之徵至闕庭詔居大原教寺授榮祿

通載卅二
大夫大司徒未幾詔居大普慶寺加開府儀同三司大司徒銀章一品賜遼卣金書戒本求戒者皆從公而師受焉王公大臣皆仰止高風猶景星鳳皇之瑞於明時也延祐四年三月二十四日加夫而逝以聞上惻然久之賜幣數萬緡以葬詔大臣護喪有司備儀衛旌蓋送之卣壽五十八戒膺四十三弟子奉遺骨舍利建塔焉

此午

特賜三藏佑聖國師達益巴入寂佛法流於中國久矣三乘之教風靡九州其道至焉唐宋間始聞有秘密之法典籍雖存猶未顯行於世國初其道

始盛西鄙統元中天子以大薩思迦法師有聖人之道尊爲帝師於是秘密之法日麗乎中天波漸於四海精其法者皆致重於天朝敬慕於殊俗故佛氏之奮一變於齊魯國師名達益巴少爲苾芻凡事帝師十有三年出而從入而侍聽言論於左右觀道德於前後陶熏滋久釀成美器凡大小乘律論及秘密經籍部以十數皆耳於口授目於手示得乎理之所歸行之所趣帝師西還送至臨洮以父勞侍從弗堪跋涉之勤見留於洮師留是十有九年依大士緯思吉翫卜覆所旣聞受所未傳

洮

刀他

切蹉琢磨於是義逾精道益明矣是以譽延兩京道重三朝事二聖於潛竭勤逾紀從屬車往返二都雖兩夕風朝恒在官壺逮武宗踐祚上處春闈眷藩邸之奮錫賞以千萬計初師在臨洮秦人請居古佛寺至是乞歸以所賜大厥字謀老汶上未幾以太后詔徵還兩宮之賜脉前有加錫金印駝紐封号弘法普濟三藏大師延祐五年八月十六日化于京師年七十有三以聞上惻焉興歎久之兩宮賜幣以葬皇太子遣使致奠勅有司備儀衛送之都門外謚佑聖國師給乘騎歸葬成紀焉

汶
席音

是年六月再立行宣政院案用常選取官

已未 勅建大永福寺

即青塔寺

○二月朔日食

京師大寶集寺妙文講主卒姓孫氏蔚州人妙文諱也九歲為浮圖年十有八畦服游學跋涉雲朔之壘觀風燕趙之邦二十一預苾芻戒抵京師依大德明公學圓頓之道陸沉于衆者積年三十有二以衆勸請之殷乃始赤服升視就傳明之列其涵養冲挹無欲速成名不躁進求達類如此四十有八居薊之雲泉勤儉節用老者懷其德少者嚴其教故衆睦而寺治比再稔廩有餘粟歲荒以賑

通車十一
飢民薊人稱焉。世祖聞其道，召見之。顧謂侍臣曰：「福德僧也。」詔居寶集。時禪學寢微，教乘益盛。性相二宗皆以大乘並驅，海內相學之流，囿於名數，滯於殊途，蔽情執之見，惑圓頓之旨。師獨大弘方等，振以圓宗，使守株於文字者，有以盪滌情塵，融通寂照。是以龍象蹴踏，競附一乘之駕。馬年逾八十，益倦于勤，以寺任諸弟子，退居逸老，專念佛三昧。延祐六年 月 日卒，年八十有三。告終之日，誠弟子高聲唱佛名，遽起加夫，結三昧印，泊然長逝。塔于平則門外。

庚申 正月朔日有食之

三月十一日登極大赦

辛酉 英宗格堅皇帝 改年 至治

詔各路立帝師殿，追謚曰

皇天之下，一人之上，開教宣文，輔治大聖。至德普覺，真智祐國，如意大寶法王，西天佛子，大元帝師，班彌怛拔思登，是年

勅建帝師殿碑 光祿大夫大司徒太永福寺住

持釋源宗主 法洪 奉 勅撰 翰林學士趙孟

頌書 參議中書省事 臣 元明善 篆額

古之君天下者皆有師惟其道之所存不以類也
 故趙以圖澄為師秦以羅什為師夫二君之師其
 人也以其知足以圖國言足以興邦德足以範世
 道足以參天地贊化育故尊而事之非以方伎而
 然也皇元啓運北天奄荒區夏世祖皇帝奮神武
 之威致混一之績思所以去殺勝殘躋生民於仁
 壽者莫大釋氏故崇其教以敦其化本以帝師拔
 思登有聖人之道屈萬乘之尊盡師敬之節諮諏
 至道之要以施於仁政是以德加於四海澤洽於
 無外窮島絕嶼之國卉服難結之氓莫不草靡於

琛
林丑

於
烏音

化風駿奔而効命白雉未遠夷之貢火浣獻殊域
 之琛豈若前代直羈縻之而已焉其政治之隆而
 仁覆之遠固元首之明股肱之良有以致之然則
 啓沃天衷克弘王度寔賴帝師之助焉皇上重
 繼明應乾承統以為法位久曠道統將微以師猶
 子之子公哥祿魯斯監贊嗣帝師位俾修其法歛
 時五福祐我家邦有河西僧高沙刺巴建言於朝
 以為孔子以修述文教之功世享廟祀而先帝師
 德侔將聖師表一人製字書以資文治之用迪聖
 慮以致於變之化其功大且遠矣而封号未追廟

伯音霸

通車十一
六十四
享不及豈國家崇德報功之道哉大臣以聞詔郡國建祠宇歲時致享師薩思迦人族款氏祖朶栗赤當吐藩之盛相其君伯西海後十餘世皆以學德爲國宗範師生八歲誦經數十萬言又能約通六義國人以爲聖故稱拔思登長而學富五明故又稱班弥怛其所師而學焉友而問焉者數十人皆有盛名於時故其所有汪不可涯矣其所撰述皆辭嚴義偉制如佛經國人家傳口誦寶而畜之夫敏者怠於博學貴者耻於下問才高而位重則矜已而驕物此人之怕也師以生知之明爲天子

硜音耕

師可謂敏且貴矣而乃博學無厭下詢遺老人有一法不遠千里而求之雖硜硜之諒佼佼之庸苟有可取無遺焉負絕世之材材莫大焉虞帝師之位位莫重焉而乃孜孜於道循循誘物惟恐德之不修道之不弘未嘗以多能自聖而有滿盈之色曠若空谷靜若深淵遠若雲霞重若丘山豈非至德其孰能與於此哉其道之所被德之所及猶杲日麗乎天明無不照陽和煦於物氣無不浹其高如天不可階而升也其大如海不可航而涉也以不言而民信不勸而物從所過者化所存者神匪

浹音接

天縱之將聖孰能與於此哉故天子法天地尚德
 右功之道著皇王之盛典崇廟享之報宜乎龜趺
 螭首刻頌遺烈昭示無極以狂斐猥承明詔序
 而銘之其銘曰佛道弘大洋海無際滔天沃日並
 育萬類於彼將聖象罔得一推厥緒餘以匡王國
 烈烈皇祖草昧天造奠是南紀功格蒼昊天錫睿
 哲俾翊我后敷彼薄俗化于仁厚汪濊漏泉波及
 無外航濬梯阻萬邦咸會群邪鴟揚維鳩之競式
 遏詭類率俾吾正赳赳武夫蚩蚩鄙鄙德訓所及
 風振草靡惟月之恒惟日之外惟師之道罔或不

胙故在

承奕奕清厝惟時享之有偉其貌惟時仰之莫高
 匪山莫深匪淵刻銘頌烈永世無遷

五臺山大普寧寺弘教大師性講主卒公諱了性
 号大林武氏惟古因生賜姓胙土命氏公之先莫
 詳世系然考之命氏之原武子姓其後邑于宋宋
 武公之後以謚為氏公少好學聰敏之性殆天啓
 之依耆德安公為浮圖既登具歷諸講序探賾經
 論研精秘奧始遇真覺國師啓悟初心既而周游
 關陝河洛歷汴汝唐鄧放于襄漢尋幽覽勝以博
 其趣所至必訪其人詢至道之要其所師而學者

復扶救

如栢林潭公關輔懷公南陽茲公皆以義學著稱
及歸復見真覺於壠坵愈見墻仞之高堂室之奧
乃曰佛法司南其在茲乎後從真覺至臺山真覺
歿北游燕薊晦迹魏闕之下悠悠如處江海之上
與世若相忘焉然以懷壁之羨被褐而莫掩名既
喧於衆口聲遂聞於九重會萬寧既建詔公居之
至大中太后勅寺臺山寺曰普寧以茲擅天下之
勝住持之寄非海內之望莫能勝之故以命公公
居此山十有餘年而歿公為人剛毅頗負氣節不
能俛仰隨世媚悅於人雖居官寺未嘗至城府造

毛齒內齒

權貴之門或謂公少和氣公曰予以一芥苾蒻天
子不以人之微處之大寺惟竭誠夙夜匪懈圖以
報國而已夫何求哉必有威倉毀藺之言蓋亦營
營青蠅止于棘樊耳顧予命之不遭道之不行納
履而去之何往而不得於道乎時國家尊寵西僧
其徒甚盛出入騎從擬迹王公其人赤犇犛冠岸
然自居諸名德輩莫不爲之致禮或磬折而前摠
衣接足焉其按頂謂之攝受公獨長揖而已或謂
公傲公曰吾敢慢於人耶吾聞君子愛人以禮何
可苟屈其節而巽于床自取卑辱乎且吾於道於

彼何求哉彼以其勢自大而倨吾苟為之屈焉非
諂則佞也焉有君子而為佞諂之行哉識者壯其
氣以謂如佛印元公之遇高麗王子可謂識大躰
而得乎禮矣至治元年九月三日歿於普寧寺既
火化以舍利塔于竹林之壩

壬戌

故榮祿大夫司徒大王山普安寺住持幻堂嚴講
主卒公康氏成紀人諱寶嚴字士威号幻堂父某
以罹喪亂棄俗為僧昆弟六人公其季也少以邁
往之氣不樂處俗與其弟金薙染從佛求出世之
道每逢名德啓講必往聽而問焉嘗謂學而不思

思而不學君子所憂雖通其說而不通其宗是學
而不思也豈稱達者哉况文字之學守株象迹惑
於多岐焉能涉同歸之海造圓頓之奧乎聽其說
固辯矣觀其所得則未也於是既問而學之以博
其趣而益致其思焉是其所所以造詣盖得之繫表
故其講說深有宗通理味後嗣真覺國師傳賢首
宗教以師承既高見解益明其方寸之地湛如止
水瑩若明鏡物我相形輒影見於中雖以天資之
高而德器之羨抑亦師友玉琢蘭薰而致及真覺
以詔居大白馬寺公與金從至洛汭及居大萬聖

通車卅二
佑國寺又從至臺山真覺歿詔以公繼其位後公以太右詔居大普安寺詔以金繼公居佑國寺公於至治二年七月八日歿年五十有一詔復以金居普安寺金以公之喪葬東封谷之口建塔以脩祀事焉

癸亥

至治三年八月十四日天目山中峯卒勅謚普應國師法雲之塔奎童學士虞集奉勅撰銘其略云天目之山有師子岩高峯妙禪師居之設死關以辨決叅學之士望崖而退者衆矣得一人曰本公是為中峯和上師生有異徵為童兒嬉戲必為佛

事稍長閱經教然拍臂求佛甚切晝夜彌勵困則首觸柱以自儆期必得乃已及入死關密叩心要誦金剛經至荷擔如來阿耨多羅三藐三菩提處恍然開悟自謂所證未極勵精勤苦咨訣無怠及觀流泉乃大發明師亦闕而不聞自是說法無碍高峯將戰化權遂書真贊屬諸師云我相不思議佛祖莫能視獨許不肖兒見得半邊鼻其授受不虛若此著書若干卷行于世仁宗皇帝聞而聘之不至製金紋伽黎衣賜之号之佛慈圓照廣慧禪師賜師子院名曰正宗禪寺云師諱明本宋景定

癸亥歲生錢唐孫氏年六十一僧騰三十五化於其山之東岡

是年四月賜瀛國公合尊死于河西○詔僧儒金書藏經○八月四日上崩

甲子
七六

改泰定

丁卯帝師公哥羅於十月△日涅槃○九月十四日即位

戊辰年改致和為天曆元年○禮公哥羅亦中納思監成班藏下文國公

為師是年革行宣政院設立十六處債教總管府以攝僧

己巳勅建崇禧萬壽寺於蔣山

庚午改至順元年○詔改建康為集慶路○勅建大龍

翔集慶寺

壬申亦輦真班皇帝 九月即位

大都妙善寺比丘尼舍藍藍八哈石卒師諱舍藍

藍高昌人其地隸北庭其地好佛故為苾芻者多

太祖皇帝龍飛漠北其王率所部以從帝嘉其義

處之諸國君長之上待以子壻之禮海都之叛國

人南徙師始八歲從其親至京師入侍中官貞懿

順聖皇后愛其明敏恩顧尤厚成宗之世事皇太

右於西宮以侍從既久勤勞之多詔禮帝師迦羅

斯巴翰即兒為師薙染為尼服用之物皆取給於

官又^{十之八}眠官官例繼以既廩武宗繼統仁宗以太弟監國師朝夕於太右之側入而侍出而從所言必聽所諫必從睠寵之隆猶子姪焉內而妃主外而王公皆敬以師禮稱曰八^之咎石北人之稱八咎石猶漢人之稱師也仁宗之世師以桑榆晚景自謂出入宮掖數十餘年凡歷四朝事三右寵榮兼至志願足矣數請靜退居於宮外求至道以酬罔極太右弗聽力辭弗已詔居妙善寺以時入見賜予之物不可勝紀師以其物^荆寺於京師曰妙善又建寺於臺山曰普明各置佛經一藏恒業有差又

以黃金繕寫番字藏經般若八千頌五護陀羅尼十餘部及漢字華嚴楞嚴畏兀字法華金光明等經二部又於西山重修龍泉寺建層閣於蓮池於吐番五大寺高昌國柁檀佛寺京師萬安等皆貯鈔幣以給然燈續明之費又製僧伽黎衣數百施番漢諸國之僧其書寫佛經凡用金數萬兩^荆寺施捨所用幣數以萬計其積而能散施予不吝期積福於來生必至於佛地者皆人所不能也英宗之明以其有靜退之高眷遇尤至每稱之賢以為知幾文宗即位今皇太后居中宮以皇妣魯國太

通載十一
長公主愛重於師，有兄弟之義，加敬焉。至順三年二月二十一日歿，年六十四，葬南城之陽，賜号真淨妙慧大師。

汝去聲

臨壇大德律師汝公卒，姓張氏，諱惠汝，歸德之偃武人也。驅烏之歲，依住宿釭公為淨圖二十，而進具從。大德溫公受菩薩戒，嗣法壇主恩公。既而行業日隆，道益著。從學者益衆，佛制凡為苾芻，雖大節不虧，而細行必謹。非法不服，非時不食。居處動作，皆有軌則。所以戒昏惰而防逸德也。公齋戒既嚴，護衣惟謹。雞鳴而興，坐以待旦。乾乾終日，惟佛

徵音

見念。雖道行旅宿，三衣一鉢，必與身俱。制行雖高，而無矯飾之節。操存雖固，而無詭徵之迹。是以言而人莫不信，動而人莫不敬。兩河之間，三監奮邑，從化者蓋以萬數。緇素相率而求戒法者，憧憧接跡於途。承一訓言，莫不惟心感戴。說法數十餘年，升壇授戒四十餘會。大臣接以師敬之禮。至順三年十一月二十二日歿，年七十有三。

癸酉

今上皇帝萬萬歲。六月初八日登寶位，改元統元。年禮請公哥兒監成卜為帝師。

滿檀瑞像自
周王庚寅
廿尊亦減自
周穆王壬申
大教東被日東
漢明帝戊辰

止元統元年計

二千三百二	二千二百八	一千二百六
十四年	十二年	十六年

本國寺學校

玉潤日銳補爛脫耳

十住從

實乘進

法壽珠

金林慧

四僧集會異體同心鏤梓刊板流行天下

慶長十七壬子極月十九日

110X
540
1